

西夏書事卷二十八

吳廣成西齋

元祐二年遼大安三年夏天儀治平二年春正月乾順受

冊為夏國主

國朝古

天津圖

初秉常死訛傳夏國大亂乾順雖未知存亡

東華

書

宗命邊臣體訪真實後行封冊會夏使表獻遺物

乃冊乾順為夏國主如明道二年元昊除節度使

西平王例上與皇太后降詔賜物悉視慶歷八年

銀絹各三萬疋兩錢三萬貫遣劉奉世等賜冊曰

西夏書事

卷二十八

一

於戲堯建萬邦黎民咸雍周立五等重驛來賓此

帝王之所同而國家之成法也咨爾乾順惟我列

聖顧乃西陲錫壤建邦衛于王室保姓受氏同于

宗盟爵命褒嘉恩禮甚渥今爾承其冑緒紹茲藩

屏而能事上欽肅飭躬靖虔申遣使人來陳方物

達于朕聽實惟汝嘉是用酌稽典故表顯寵名錫

爾以茅土之封加爾以服乘之數誕頒封冊以綏

一方今遣朝奉大夫起居郎直集賢院上輕車都

尉賜紫金魚袋劉奉世崇儀副使上騎尉安喜縣

開國男食邑三百戶瞿象先持節冊命爾爲夏國
主永作宋籓輔夫篤于好德乃克顯光忠于戴君
永膺福祉往祇明命無忝予一人之猷訓

二月歸陷蕃人戶

梁氏以中國約回內附蕃族又聞詔歸一漢人者

夏子謙十乃歸還陷蕃人戶共三百二十八

三月使謝莫慰

使人見于延和殿稱故夏國主嗣子乾順言昨父

國主薨蒙遣使祭奠弔慰前已奉表稱謝謹差大

西夏書事

卷二十八

二

使祝能野烏禹實副使呂寧賴喀麻等進馬馳共

二百七十四頭詣闕恭謝又差大使映吳嵬名諭

密副使廣樂毛示聿恭謝太皇太后

夏四月梁乙逋以牒索朱梁川遂入涇原掠蘭家堡

梁乙逋恣橫日甚秉常舊時親信老成悉因事陷

害又以所得歲賜旣豐飽而思奮劉奉世等持封

冊至故加悔慢不遣使謝已聞蘭州城西關堡將

築龕谷砦令宥州移牒言界內朱梁川係本國地

土中國不得擅有興築不俟回牒縱兵入涇原抄

藺家堡掠人畜焚漢蕃廬舍殆盡

五月連西蕃阿里骨兵寇定西城

梁乙逋卑辭厚禮約阿里骨入寇如得地以熙河岷三州歸西蕃蘭州定西城歸夏國于是阿里骨襲破洮州乙逋率數萬衆出河州會之同圍南川砦大肆焚掠

汪藻青唐錄云阿里骨既立以爲朝廷疑已遂與夏國梁乙逋通五月二

日引步騎七萬圍河州南川砦焚廬舍二萬五千區發窖粟三萬并導夏人敗官軍殺都監吳猛而宋史哲宗紀但言元祐五年二月夏人圍南川砦不載青唐事茲參取之又攻定西城

設伏誘戰擊敗官軍殺都監吳猛等

西夏書事

卷二十八

三

六月掠隴諾堡

夏兵慄悍倏忽往來未嘗久頓凡圍堡砦使城中兵不得出然後分掠人畜挑挖窖聚時以數千騎入秦州抵甘谷城圍隴諾堡守將先伏兵在外出不意掩擊夏兵驚退失戰馬數十匹

秋七月卓羅監軍仁多保忠侵鎮戎軍

梁乙逋以乾順命脇保忠率萬人寇涇原保忠與乙逋不協甫入境遇總管劉昌祚大眾截之一宿

卽還

遣大首領鬼名阿吳如青唐

梁乙逋謀取熙河遣鬼名阿吳入青唐約阿里骨及首領青宜結鬼章期大舉阿里骨囚中國使人高昇許以兵應

八月集兵天都山寇熙河起飛梁以通西蕃兵知岷州种誼斷之乃退

乙逋召十二監軍司兵集天都山與乾順母梁氏將之對蘭州通遠軍而營阿里骨亦發河北兵十五萬由講珠城圍河州令鬼章以二萬衆駐常家

西夏書事

卷二十八

四

山大城洮州自率廓州兵五萬約會于熙州城東之王家平乙逋遂造飛梁以通兵路知岷州种誼與總管姚兕率兵由間道先斷飛梁襲破洮州擒

鬼章乙逋遣兵數萬援之至橋不得渡望風而潰

一統志云宋元祐二年夏人寇邊羌酋鬼章駐兵常家山爲宋將游師雄所敗與宋史种誼傳異

綱目攻取之際不書方畧間有書者必重其

事而特筆起例也是時夏衆屯天都起飛梁以通西蕃兵飛梁不斷勢未易解也故書起書斷

以重之

分兵圍三川諸砦

爲守將韓緒趙說所敗

張舜民誌劉昌祚墓夏人寇三川乃攻鎮戎以後事

而哲宗實錄于九月十日書鎮戎八月二十二日書三川

九月寇鎮戎軍

夏天給前平三平春五日太白砦

梁乙逋復令仁多保忠率十萬衆入涇原聲言國
母親將攻鎮戎西砦圍涇原十一將兵于城內總
管劉昌祚病知軍張之諫不敢戰保忠令軍士四
散樵采焚廬舍毀冢墓五日知慶州范純粹遣副
總管曲珍領兵自環州深入牽制晝夜馳三百里

西夏書事

卷二十八

五

至曲律山

范純粹奏議曲律係橫山巢穴最深之處峯厓險遠道路仄絕前後漢兵未嘗

窺及韋宥等州一帶邊羌每聞中國點兵卽于此處會集據險自固縱兵擊破族帳

斬首千餘俘老幼婦女數百人保忠聞之將解圍
潛于所札砦內如常起烟火量以兵守一夕遁回

比城中知追之不及

元祐三年遼大安四年夏天儀治平三年春正月太白晝

見

司天言不利用兵梁乙逋不聽

出兵侵府州

守將鉗宗翌擊敗之

二月遼使來詰賀正

梁乙逋以遼不頒封冊遂不遣賀正使人遼使叅

知政事王維來詰其故

三月襲德靜砦

自攻府州不利兵士屯聚各砦止三五百人託言

護耕故示寡弱以誘官軍邊將戒嚴不應遂乘間

襲德靜砦砦將張誠率蕃漢軍四出掩殺衆驚退

宋史夏國傳三年三月攻德靜砦諸將米贊郝普戰死詔劉昌祚以涇原萬人駐德順軍熙河五千

西夏書事

卷二十八

六

人駐通遠軍扼秦鳳要害以爲犄角與誠傳異

夏四月圍塞門砦慶州官兵來襲洪川砦乃還

梁乙逋數遣使入中國示欲伏罪請和而于使介

往來間乘邊人觀望輒出兵掩襲冀有所得延安

帥趙鹵檄慶州將劉安李儀曰夏兵將入寇汝徑

以輕兵山西路擣其腹心未幾乙逋果圍塞門殺

皇城使米贊供奉官郝普右班殿直呂惟正與安

等率兵入界抵石堡砦焚蕩勒雜平一帶族帳襲

洪川破之俘斬甚衆復于花種會油川相對舉

烽火多設疑勢夏兵急解圍歸

附

宋史舊錄六月辛丑夏人寇塞門砦詔陝西

河東經畧司嚴城砦完守備如夏人攻犯非逼

近城下決可取中勿多施行自致闕誤據長編

攷異云夏人以四月二十四日寇塞門不知此

段所書果在何日恐不應再寇也

秋七月遼始遣使授封冊

乙逋以遼使詰責復遣使貢遼主乃使冊乾順爲

夏國王

西夏書事

卷二十八

七

侵蘭州攻龕谷砦

夏國距蘭州止一舍通遠不百里中無重山複嶺

之阻乙逋點集軍馬屯于涇原熙河對境一夕突

入蘭州力攻龕谷敗砦將及東關堡巡檢殺兵士

數百人

八月犯延安

鄜延經畧司移牒宥州詰入寇故乙遭回牒但請

疆土而不謝罪且潛以兵犯延安知鄜州种誼統

諸將赴援夏兵聞誼來皆退延人謂得誼勝精兵

三十萬

冬十月飢

國人賴以為生者河南膏腴之地東則橫山西則天都馬銜一帶其餘多不堪耕牧時河南大旱歲不登故事國中舉兵蕃屬自備貲費乙逋數下令點集戎人不能應

元祐四年

遼大安五年

夏天儀治平四年春二月遣使人

謝封冊

乙逋以歲飢不能點集令宥州移牒保安軍言將

西夏書事

卷二十八

八

遣使入謝封冊請先議疆事朝議以謝使未至即議疆事不許于是使鬼名善哩貢馬謝封冊請和

三月月入東井

犯西扇北第二星羣臣以國家用兵過多請息民力為言梁氏善之

夏五月遣使如遼

亦謝封冊也時遼主獵魚兒濼駐蹕赤勒嶺使人

候五十日方見

六月使請易地

使人請以所許葭蘆四砦易蘭州塞門押伴金部員外郎穆衍折以禮使辭屈不敢面對哲宗賜詔曰省所奏云昨差人赴延州計會將永樂人口及所還四處城砦交換塞門蘭州兩處地土實在事宜祈朝廷酌中賜一裁決朕已具悉爾嗣守世封虔脩貢職頃屬罷兵之後繼陳復地之言累降語音備諭朕旨豈謂歷時既久尙稽聞命遵行忽覽奏封深諒誠款顧改圖之議猶有披陳然事大之恭實聽裁決再維忠順殊用歎嘉雖易地之求當

一遵于前詔而酌中之請宜別示以優恩除漢蕃土地指諭已明難從換易外所有歲賜據前降詔命合候地界了日依舊今特推恩敕有司更不候地界了當便仰檢會典依例施行爾其體朝廷恩信之隆遵封疆謹守之戒永思安靖用保悠長

秋七月使賀坤成節

使至京師刑部郎中杜紘逆之至館使欲入見自

陳請侵地紘不許使出不遜語紘曰國主設有請必具表中此大事也朝廷肯以使人口語爲可否

乎。乃不敢言。

附

王氏東都事畧趙昫傳夏人入貢已以重兵

壓境諸將請益兵爲備昫曰第謹斥堠整戈甲

無爲寇先戍兵不可益也因遣人詰夏夏兵遂

去攷此事宋史昫傳載之然不書時地不得其

詳

九月移牒請受地

宥州牒保安軍言已鳩集永樂等處陷沒人口于

十一月十日押付界首應給四砦亦卽差官同日

西夏書事

卷二十八

十

領受及檢點所有歲賜

冬十月中國使賀生辰及賜冬服

使臣爲崇儀使董正叟如京使李玩

十一月歸永樂俘復米脂等四砦地

初哲宗詔夏主曰昨永樂城將吏兵夫盡忠固守

力屈就擒衆多生齒淪于異域念其流落每用惻

然雖已詔汝發遣當給賜可還之地然念城初失

守衆卽散亡或爲部落所得或爲主者轉粥非設

講募恐有所遺汝可深體朕意訪求發遣當據送

到者每人別賜絹十疋命官以上加優賜給所得之家乙逋命宥州牒言承樂人戶除累年死亡外鳩集到一百五十五人敢赴界首交付及至交領

時僅一百四十九人盡復米脂葭蘆安疆浮圖四

峒地葭蘆境在河東以兵渡河計肆奔突見太原

將訾虎屯兵界上乃止

宋史夏國傳元祐四年六月稍歸承樂所獲人哲宗

紀元祐五年二月己亥夏人歸承樂所掠將士百四十九人傳紀互異茲從李氏長編

按承樂之役將校死者數百人士卒役夫沒者

二十萬神宗臨朝痛悼成疾豈非軫念遺黎陷

西夏書事

卷二十八

七

身異域哉及哲宗卽位值夏使告哀卽詔以歸

我陷民給其故砦無如夏人故難其事遲之又

久僅歸吏士百四十餘人盡復舊疆續綱目發

明以爲是舉夏之慕義宋之綏懷兩得之夫宋

之綏懷誠有矣夏之慕義則未也

元祐五年

遼大安六年

夏天祐民安元年春二月梁乙逋

請婚西蕃約取邈川

乙逋威權日甚其弟姪皆握重兵陰謀篡奪聞阿

里骨與溫溪心構怨思併邈川遣使青唐請爲子

結婚互爲應援阿里骨許之亦遣搬察約攻邈川
城使人近北往來不由邈川恐溫溪心知也搬察
乃蕃部使役之稱溫溪也築海樂
三月保安軍牒索陷將景思誼思誼
八思誼以永樂之圍緄城被執及還陷沒人口思誼
已死中國未知延帥趙嵩移牒來索乙逋令宥州
回牒報之乙逋

夏五月請廢蘭州之質孤勝如新堡

二堡古榆塞地漢趙充國屯田所中膏腴五十餘

西夏書事

卷二十八

七

頃據兩川水泉以資灌溉國人稱爲御莊自李憲
城蘭州築堡其地土人悉走天都山及會州境飢
羸難以存活秉常嘗令蕃衆自爲爭復計元豐六
年蘭州被兵西關堡破二堡遂廢熙河遣兵耕種
輒爲夏人所殺及議畫界二堡在蘭州界內熙河
將范育等修葺故址屯兵爲守乙逋欲得其地令
宥州牒保安軍請廢所築新堡

六月攻質孤堡毀之

乙逋請廢二堡不得以萬餘騎乘大霧猝至質孤

盪平之進攻勝如縱火焚掠而還○畫兩界畧首
秋七月使賀坤成節○使至京師正邊臣報兵躡質孤堡時使者畧不顧
憚蓋知中國不敢苛留使人也○八月上表請定疆至

宥州牒保安軍請定疆至逾年不能決上表言自
去年七月遣使赴闕乞換所賜城砦蒙詔不許尋
與延州經畧司議分畫疆界當時議者依綏州例
分畫向方面各打量二十里內十里安置堡鋪耕
西夏書事 卷二十八 三

牧外十里拍立封堠空作草地得保安軍牒稱延
州指揮其城砦雖定二十里要在現今諸城相望
取直分畫夏國不敢違屈勉奉行其南界諸路地
分所司亦依綏州例打量二十里卻不肯依綏州
八例于內十里修築堡鋪耕牧于外十里拍立封堠
空作草地以辨蕃漢出入絕交鬪之端累令宥州
移牒保安軍終不明示所由私心惶懼敢悉所由
哲宗賜詔曰爾巡領蠻畿恪循世守佯來稱幣廷
闕奏書永言疆場之安未卽溝封之畫兩界繩直

罄忠順而可嘉十里無荒溼悃忱而有請力祈於
許早遂底寧惟祈壤之求初無故事念安邊之議
亦既累年顧省恭勤特行開納然綏德城本無存
留草地今欲于漢界留出草地卽于蕃界亦當依
數對留應見今合立界至處并須明立封堠內外
漢蕃各對留草地十里不令耕種自擇安便處修
建堡舖如熟地不可修建卽于草地內修立各不
得逼立界堠其餘疆畫未盡事已令押伴官委曲
開諭進奉使副訖及已詔鄜延路經畧司夏國如

欲議事許差人赴延州計議眷方陞悅義之心旣
輸悃悞而朝廷綏遠之意已示優容宜深體于恩
懷亟保和于方畧 范純粹曰是役也中國先許
以陷寇之衆易新造之壘夫人有品色多寡之異
地有形勢遠邇之差約當素明謀應素定嘗當著
見于書然後受人割地交相付與自無後來曲折
今謀不素定約不素明彼以疲殘數百人詭辭塞
命乃不復較問亟以四砦與之旣與之後而熙延
二境始議畫疆文字往來徒費詞說不亦晚乎

冬十月復毀勝如新堡

初夏兵犯質孤等堡勝如巡檢計守義擒殺游卒
四人修葺所毀城門工甫竣乙逋復率兵焚毀之
殺守義擄其兵役而還二堡遂不復作 范育曰

夏國自奄有西涼開右廂之地其勢加大後熙河
內附則已斷其右臂又得蘭州險固定西扼塞力
據上游控其腹背而質孤勝如之于蘭州定西以
東川谷之于定西更足以壯形勢蓋定西及二堡
中間膏腴土地無慮二萬頃若募弓箭手萬人

西夏書事

卷二十八

五

布列緣邊耕植曠土則二州有金湯之固又歲得
粟數百萬人食其半官糴其餘西州餽運可以日
省夏人數以兵爭直欲毀中國籬籬使蘭州定西
有難守之勢也議者懼邊患方殷始欲與以三堡
繼復棄不更築豈不墮其術中哉

十一月遣首領允領舉入熙河議疆事

夏國初議界至請以綏州例二十里爲界中國從
之繼請留生地十里又從之乙逋見委曲遷就遂
議于非所賜城外總以拶直二十里相照取直而

熙河路蘭州質孤勝如二堡指爲非舊堡若欲自
龕谷若打量取直則蘭州質孤勝如皆爲夏界熟
地又自定西城燧斗平第三砦接連取直則南牟
山环囉州結龍川一帶亦屬夏國議久不決乃令
宥州牒稱現于納葉經克節進築所有蘭州耕種
處及屯駐人騎乞行毀徙知熙州范育不敢應乙
逋尋令允領舉詣熙河石子峽堅執前議以分界
至育等令往鄜延路再議允領舉至延安因言辭
不協徑還

西夏書事

卷二十八

六

十二月使賀正旦

梁乙逋以議界不合集兵屯境上時縱游騎出沒
語言不遜脇以必得之勢然猶遣使賀正蓋利中
國賜予且假以窺朝旨也

西夏書事卷二十八終

西夏書事卷二十九

宋密木關洪靈吳青浦和吳廣成西齋纂

元祐六年

遼大安七年

夏天祐民安二年春三月復遣首

領魁名麻胡入鄜延議疆事

夏國入邊有三路故事文移至環慶者皆付鄜延

會議時使人議畫界至輒云前後反覆朝廷悔賴

實多及令赴延安商議又云延州無可斷之理本

國已差官發付熙河蘭岷路就六處界首相會又

云中國實有就和之意請勿再言隴諾堡上取直

西夏書事

卷二十九

一

及質孤勝如二堡事言詞不合輒掉臂還經畧使

趙鹵連牒宥州促之不至會梁乙逋使生蕃乙吳

麻入延州吳麻乃出入漢邊達語言類通事者順

寧若獲之鹵厚與金帛使以中國懷柔意歸諭乙

逋曰朝廷令汝國遣人來聽議疆事非憚汝也特

以和好垂成不忍遽絕耳乙逋欲和卽來不欲任

汝自便移書往返不若面議之詳也時乙逋方聚

兵密木關將寇蘭吳麻至乃緩師期遣魁名麻

西胡及乙吉陵丹等入延州鹵呼前詰折開諭累日

麻胡等詞窮曰公言無不是皆爲國爲民奈吾國

不利何

上官均家傳云西戎自永樂之戰怙勝氣驕欲得故地當時大臣姑息遂用趙禹計

棄四砦蹙地辱國西方士人莫不歸罪于禹攷宋史哲宗紀及禹傳四砦之棄並非禹計李氏長編亦祇載禹議畫疆事均傳乃其子著作佐郎惜編次疑誤

范純粹曰畫界之

始夏人計請用綏州舊例以二十里爲界近黃河者仍以河爲限朝廷一一聽之不知先朝分畫綏州之日界至遠近先令帥臣相度保明往返審實乃從其說今所畫界首起鄜延經涉環慶涇原隰河四路朝廷更不委逐路審覆卽以延安所見便西夏書事

卷二十九

二

利接連取直爲界號令一出夏人執以爲據而乃行追悔前後皆失遂生厲階矣

夏四月大舉攻隰河毀通遠軍護耕七堡

初隰河畫界中國文字但云通遠軍之定西城北相照接連取直未嘗及熨斗平通西榆木岔諸堡梁乙逋欲三堡直南北打量界至逼近通遠大路中國不可所以陳請累年及鬼名麻胡等回知疆事不成遂以十萬衆壓隰河通遠軍境圍定西城分駐蟾牟山結龍川挑掘沿邊所築護耕七堡毀

其嗚囓殺掠居人于計七堡者乃向所爭執處毀之以示必得也

五月轉犯涇原

乙逋復由結龍川進兵入涇原大掠開遠堡得勝隆德等砦聞熙河岷州兵已集始還

六月熙河等路來歸俘擄

夏兵入熙河涇原諸路雖肆殺掠而首領被執者亦衆哲宗令悉放歸並詔逐路經畧司諭宥州言疆事雖未理畢夏國安得輒侵邊境今旣生擒卽

西夏書事

卷二十九

三

合斬首緣意在好生又夏國現輸常貢且放回本國宜明諭梁乙逋并近上首領今後不得縱放兵馬擅有侵犯

遣使請兵于遼

初梁乙逋寇通遠右廂種落盡趨河外熙帥范育三疏請乘此時進築龕谷砦與勝如定西相照可東接隴諾城全據形勝以制夏國朝議從之役將與乙逋聞之懼使乞兵于遼遼主以南北通好久

難便允從辭焉

秋七月使賀坤成節

熙河諸路奉詔諭詰宥州梁乙逋回牒以通遠十

萬衆為些少侵犯又沒涇原之役不答哲宗以言

辭傲慢欲絕歲貢聞坤成使已在境上乃止

王巖叟係

年

錄云樞密使進呈言西夏坤成使人初報六月十六日過界既而寂然至十九日忽來計會蓋每歲使來界上必使人體問招呼今年請戒邊吏如不來則勿問令其自至從之

毀鎮戎軍封嶽

鎮戎官吏于軍界近邊立封嶽八處梁乙逋遣兵

入拆毀令宥州牒保安軍言請勿再修且宜依舊

西夏書事

卷二十九

四

八月復毀土門堡殺鄜延都監李儀

鄜延順寧砦安定堡界新移枝子土門兩堡乙逋

令兵毀之儀與副將許興夜將兵入界掩擊戰敗

被殺

攻懷遠砦

梁乙逋既殺李儀知鎮戎軍無備遣兵乘勝攻懷

遠守將李遜出戰不勝閉城謹守圍五日始解

九月分兵寇麟府二州

梁乙逋點集境內幾五十日至是月

宋史夏國傳元祐六年九月

月圍麟府鄜延都監李儀等盡沒攻哲宗紀李儀之死在八月圍麟府在九月自是兩事不得并敘

集兵十五萬聲言攻環慶鄜延一夕忽趨河東蓋

知兩處備禦已固故抽一軍寇麟府攻圍神木等

砦殺掠不可勝計民間廬舍禾稼焚蕩無遺驅虜

畜產甚衆范純仁行狀云夏人犯麟府神木堡無所得而去與此異諸砦皆閉

壁守獨橫陽堡守將孫貴數以奇兵撓擊且開門

示閒暇夏兵驚疑乃還范純粹曰夏人于十年

之內大兵三舉猖狂已甚每牒宥州詰問但云見

行會勘傷若不知察其設心蓋外為不闕貢奉之

西夏書事

卷二十九

名以利市販而陰實肆其侵寇之惡也開元奉文

國主生辰保安軍牒稱賜賀使疾已而不至云見

故事夏主生日禮物及仲冬時服例于九月十

日以後過界其歲賜銀絹則于二十五日過界時

使臣安倫劉穆已抵延安經畧使范純粹令倫等

用公文稱疾移牒照會梁乙逋使宥州回文言辭

簡倨不肯少屈于是倫等不至續文圖脈水滸

塔坦國來伐梁乙逋回師援之不及文陰誌河東蓋

塔坦聞乙逋兵入河東率所部襲賀蘭山入囉博

監軍司所切殺人戶千餘掠牛羊孳畜萬計乙遣
回兵援之至達結羅塔坦兵已退

按前書塔坦攻夏矣此書伐內之也夏與西蕃

連結肆凶勢已無後憂塔坦能乘虛襲擊使其

回兵自救不致深入河東其牽制之功不亦偉

哉

冬十一月環慶官軍攻韋州

中國既絕歲賜環慶經畧使章棗陳淺攻策令都

監張存統兵入韋州攻安州川霄柏川諸處蕃部

西夏書事 卷二十九 六

被殺者千餘人

元祐七年遼大安八年夏天祐民安三年春正月遼人來

援梁乙遣出兵攻綏德城轉掠涇原

梁乙遣遣使如遼以宋侵乞援遼主命大將蕭海

里駐兵北境以張聲勢乙遣遂攻綏德以重兵壓

涇原境大掠五十餘日而還

二月築沒烟峽壘成

沒烟有前後兩峽與鎮戎軍之石門峽相對梁乙

遣謀建砦壘便于出沒誘致漢兵鎮戎軍以聞金

部員外郎穆衍請于質孤勝如二堡廢地間城李諾平以控要害陝西轉運判官游師雄請自蘭州之東通遠定西通渭之間建汝遮納迷結珠龍三處復置護耕七堡以固籓籬秦鳳都監康謂以爲夏之所以未臣服而肆兵者以我勢分于隄備兵未練而賞罰失當耳若擇銳結伍何彼之動聚則先擊散則復襲則彼分而我聚以衆擊寡可得志也哲宗下其事諸道咨之議未定而壘已成

按綱目書築不盡書成書成必大役也此書成

西夏書事

卷二十九

七

著其速也宋之議論未定夏之版築已完西事得失于此見矣

三月集兵韋州以窺環慶與涇原官軍戰敗績

韋州居橫山北曩霄時立靜塞監軍司屯集人馬防拓興靈諸州時乙逋聲言集兵三萬于界上入取環慶四路經畧使章棻偵知夏國邊砦各相去二三十里每砦止八百餘人馬皆羸瘦不堪戰使折可適統涇原兵八千一夜馳至韋州砦兵皇遽走可適直入監軍司所悉獲牲畜器物師回夏兵

從後躡之可適設伏要害夏兵大敗首領被斬者
二人死士卒無算失甲馬千計

夏四月西蕃厮那等族來附梁乙逋納之阿里骨以
兵備蓋公城

西蕃溪巴溫董璫疎族也自阿里骨立去依隴逋
部河南諸羌皆歸之厮那心牟二族向屬青唐阿
里骨殺董璫妻心牟氏厮那等不平與隴逋心牟
二族率衆奔夏乙逋納之共謀青唐阿里骨聚兵
六一公城以備

西夏書事

卷二十九

八

六月涇原官軍破尾丁磴

梁乙逋見中國于熙河築定遠城擇于沿邊對接
百里內各作頭項排布人馬東西相屬約地遠近
一二十日內可集兵三五萬待漢兵入界併力拒戰
尾丁磴于諸路尤近以兵五千屯其地章榘令折
可適將兵六千潛入境偵得守烽卒姓名詐爲首
領行視呼出盡斬之捲甲疾趨襲破尾丁磴獲人
馬器甲千計回次檉楊溝夏兵逐之戰于高領又

敗

秋七月復遣使請援于遼
乾順母梁氏憤韋州之敗將圖大舉復使乞兵于
遼遼主不許
八月西蕃阿里骨獻邈川圖梁乙逋執其使

邈川古湟中地南距河州一百九十餘里東至蘭
州西距餘里東北控甘涼一帶西接宗哥青唐二
城部族繁庶形勢險要始阿里骨以女許梁乙逋
子約攻邈川殺溫溪心不果及聞乙逋納叛蕃廝
那等族因復入貢中朝哲宗封其妻溪尊勇丹爲

西夏書事

卷二十九

九

安化郡君子邦彪簽爲鄯州防禦使弟南納支西
州刺史乙逋數徵其兵入寇不應至是聞溫溪心
內投疊受官爵懼其離間復以邈川地圖獻夏國
約將兵來取而預誘溫溪心至青唐拘之乙逋惡
其反覆羈執使人兵不發

冬十月梁氏自將寇環州

環州洪德砦西北白馬川灰家背地距清遠軍僅
八十里依山據險當青岡峽濟乾回家三堡大路
若騎兵自歡樂峯直達漢川半日可至梁氏集兵

十萬手奇魯浪聲言犯涇原一夕趨環州圍之

按綱目書自將皆善詞茲書梁氏異之也以女

嬖子而將兵非異事乎事異故文亦異書之以見

梁氏之惡與乙逋等

攻七日不克解圍退敗于洪德砦易服走還

環州境外皆沙磧距城百里有牛圈澗水章案于

兵未至時夜遣人置毒水中夏兵至人馬飲者輒

死攻七日不克謀解圍退資預料精兵萬人授折

可適銜枚由大重谷趨洪德城分遣蕃官慕化等

西夏書事 卷二十九 十

別駐肅遠砦約舉火為識以邀歸路夏兵還過之

烽起士卒識梁氏旗幟爭鼓譟出梁氏縱鐵鷂子

數萬迎鬪可適等皆死戰梁氏見衆敗急令青幕

遮道盡棄帷帳首飾易服走免兵士相蹈藉死者

崖澗皆滿

李清臣與知定州許將小簡云夏羌圍環州劫慕恩族磔瘠無宿歲留數日無

所得章帥以兵問道邀擊之獲級數百得駝千頭馬四百八十四羌衆遁去又云章帥竟坐失亡滅

數又縱賊全歸遂左遷與宋史諸傳異

按兵未有書敗狀者書易服醜梁氏也

十月西蕃阿敏來投使守革羅城

阿敏溫溪心弟阿旺格子阿里骨拘溫溪心逸川
大亂阿敏聞梁乙逋執青唐使人乃改名丹卓麻
率屬投入夏國梁氏使爲衙頭首領將兵守革羅
城備阿里骨也言本國於此城林茂樹蔭而得聖
守一月復遣使乞援于遼

遼主因夏國疊次求援擬遣樞密使牛溫仁泛使
中國詰問兵端已聞乙逋點集頻數部族疲于奔
命議者謂其非中國敵豈可因之棄吾舊盟罷溫
仁不遣止令涿州移牒雄州請之

西夏書事

卷二十九

十一

綏州鈐轄哆浪心訛內投

授內殿承制其從人綏哆曾入夏國偵事戰鬪被
傷特予副兵馬使

元祐八年遼大安九年夏天祐民安四年春正月假遼國

命牒保安軍請和

宥州牒保安軍言本國準北朝札子備載南朝聖
旨稱夏國如能悔過上表自當應接予以自新今
既北朝解和又朝廷素許因此再上表章卽欲遣
使詣闕哲宗以辭引北朝非例令鄜延經畧使回

牒諭意在善合器亦類直盡或胎育塞門

二月以兵備于闐

于闐東界吐蕃與瓜沙接壤是時入貢中朝請率

兵討夏國梁氏聞之令瓜沙諸州嚴兵為備

附李氏長編二月己酉賜熙河路鈐轄康識并

諸將銀藥有差以出塞牽制至打繩川討蕩有

功也改打繩川在南牟會西七十里距會州止

界八十里是已深入夏界而宋史無康識傳其出

二月塞月日實錄亦不載

西夏書事 卷二十九 三

三月遣使謝罪請以蘭州易塞門二砦

梁乙逋因中國絕歲賜遣使謝罪並請易地寶文

閣待制呂大忠言夏人強則縱困則服今陽為恭

順實懼討伐宜且命邊臣詰其所以來之辭若惟

請是從彼將有以窺我矣哲宗乃賜詔曰省所上

表遣使詣闕悔過上章獻納蘭州一境地土

李氏長編云蘭州未嘗以還夏國今云獻納何也按蘭州雖

中國所得夏人視為己土前犯質孤勝如攻通遠

皆緣此起隙及以四處城砦更易終不肯置蘭州

于度外茲以易塞門者乃仍其舊見耳宜答詔直

斥綏州至義合砦亦取直畫定卻有塞門乞賜還

夏國等事且悉朕統御萬邦敦示大信眷爾嗣藩
之始亟馳請命之誠爰給土疆復頒歲幣豈謂受
賜而後輒興犯順之師中外交章神人共憤朕以
爾在位未久勢匪自由姑戢討伐之大兵聊用馭
邊之中策今則遣使來庭托辭悔過何乃謝章之
初達卽形畫境之煩言况西蕃故疆中國舊地已
載前詔不係可還其分境雖曾商量在用兵亦合
隔絕然則塞門之請殊非所宜定西以東已有前
諭除河東郵延路新邊界至許從前約令逐路經
畧司依前後詔書開立濠堠外蘭岷路未了地界
亦已令蘭岷路經畧使依先降詔旨委官候夏國
差到官詳先降指揮同共商量分畫緣夏國自元
祐通貢受賜後累次犯邊仍候地界了日可依例
別進誓表然後常貢歲賜並依舊例

夏四月乘間犯延麟三州

故州情對之戎其阻阻

夏謝罪使甫入中國境屬蕃耒耜雲集近邊二三

百里耕闢無餘地乙逋乘彼此議和沿邊無備縱

兵分犯三州殺掠熟戶甚衆

夏示大信眷爾嗣藩

冬十月遣兵扼神流堆與涇原將張蘊戰敗還遂失

宥州

梁乙逋聞張蘊引兵入境令衆三千扼大吳神流

一堆堆距宥州四十里拒戰不勝宥州守兵潰走監

軍梁阿哆引鐵騎數千趨松林堡赴援蘊頓兵長

一城嶺鐵騎數挑戰不得既倦蘊縱兵奮擊阿哆大

敗

附 宋史葉康直傳元祐中知秦州夏人侵甘谷

康直戒諸將設伏以待殲其二酋自是不敢犯

西夏書事

卷二十九

十四

攷哲宗紀元祐中不見夏人侵甘谷事傳不知

何據

紹聖元年

遼大安十年

夏天祐民安五年春正月遣使進

奉再請易地

梁氏遣使進貢復請易塞門不許自是不復請是

二月進助山陵

哲宗葬宣仁聖烈皇太后于永厚陵梁氏遣使進

馬一百匹

三月朔日有食之

時乾順年幼諸梁恣橫國中皆危之

夏四月遣諜入鄜延被獲

梁氏因請地不得遣諜至鄜延覘事經畧使范純

粹方大閱觀者不得入俄而騎兩翼環圍之命觀

者列坐皆五人結一保中有十餘無保者呼詰之

卽夏諜也盡坐帳前閱技畢曰我之兵精乎歸語

爾主欲爲寇幸早來與食遣回營與南賊戰

冬十月梁乙逋伏誅

梁氏一門二后乙逋恃其威勢獨專國政日與中

西夏書事

卷二十九

五

國抗衡緣邊悉被荼毒中間得歲賜金帛輒誇于

衆曰鬼名家人有如此功否中國曾如此畏否每

舉兵必曰吾之所以連年黠集欲使南朝懼吾爲

國人求罷兵耳國人畏之不敢言旣又潛謀篡奪

刑賞自專梁氏亦爲所制自麟府還族子阿革戰

死勢稍殺環慶之役梁氏自將不使與兵攻乙逋

不悅叛狀益露大首領鬼名阿吳仁多保忠撒辰

等知其謀集部衆討殺之滅其家

李氏長編云元祐六年十月涇

原路諜報梁乙逋犯麟府界邊兵殺死梁阿革乙逋爲夏國所誅而舊錄則云乙逋犯麟府河外三

州殺戮甚慘莫之敢禦奸臣謂其已死欺妄
特甚攻新錄云乙逋死在紹聖元年十月

按乙逋為鬼名阿吳等所殺書伏誅何罪宜誅

也綱目嚴惡惡元魏景明四年散騎常侍趙修

為監者鞭驅至死書伏誅永安年中書令鄭

儼為部下所殺書伏誅凶頑如乙逋死有餘辜

書伏誅所以正其罪而討之也無由激發其人

紹聖二年遼壽昌元年夏天祐民安六年春二月築堡石

門峽石門峽

石門峽距渭州境僅三十里東帶興靈西接天都

西夏書事 卷二十九 六

瀕葫蘆河形勝宜耕牧為國界要害梁氏遣兵築

堡戍之中國探騎遂莫敢過界

夏五月宥州蕃屬朱智用由邈川內投

智用有意內附為夏國各路把截無由遂達後入

邈川為溫溪心部下搬察至熙州密申向漢意攜

其宗族內奔哲宗嘉其誠授三班奉職

冬十一月進貝多葉經于遼

經回鶻僧所譯

西夏書事卷二十九終

西夏書事卷三十

梁祖命沐州一縣 青浦 吳廣成西齋 纂

紹聖三年

遼壽昌二年

夏天祐民安七年春二月以兵入

延州侵義合砦

延州人

梁氏以地界不定數肆憑陵哲宗用宰相章惇議

罷諸邊分畫令督衆乘勢進討梁氏憤發兵入綏

德界攻義合砦義合與保安軍德靖砦綿亘七百

里中間堡壘參差烽燧疎遠延州軍不能應大掠

二而還

西夏書事

卷三十

一

三月圍塞門砦

復遣數萬衆圍塞門大持攻具相持數日間廊延

經畧遣大兵至乃退

秋八月寇順寧砦敗還

涇原將張蘊伏兵隘中約戰急聞呼則起夏兵遂

敗被俘斬者數百人

九月遣右廂首領誘環慶官兵至雞鞞嶺與戰不勝

梁氏命右廂一帶首領遣使從間道至環慶路詐

言願舉族歸漢章彙遣將鍾傳折可適率兵援接

至雞靴嶺夏兵卒起四圍合擊力戰不勝傳等全

師退

冬十月國主奉母將兵寇鄜延陷金明砦

乾順見連次擾邊不利奉母梁氏率衆號五十萬

入鄜延西自順寧招安東自黑水安定中自塞門

龍安以南二百里間烽火相繼不絕游兵直至延

州五里知州城有備自長城一日馳至金明列營

環城梁氏母子親督桴鼓城遂陷

宋史呂惠卿傳知延州時聞夏

人將入寇預修米脂諸砦爲備夏兵至欲攻城則城不可近欲剽掠則野無所得欲戰則諸將不爲

西夏書事

卷三十一

二

動欲南侵則懼腹背受敵留二日即拔柵去遂陷金明與夏國傳異守兵二千五百

人惟五人得脫城中糧五萬石草千萬束皆盡殺

皇城使張興臨行留書置漢人頸上曰貸汝命爲

我投經畧司書言夏國昨與朝廷議疆場惟小有

不同方行理究不意朝廷改悔卻與坐團鋪處立

界本國以恭順之故黽勉聽從于境內立數堡以

護耕而鄜延出兵悉行平蕩又數入界殺掠國人

共憤欲取鄜延終以恭順止取金明一砦以示兵

鋒亦不失臣子之節也延帥呂惠卿上之樞密院

不以聞

按前書梁氏自將惡梁氏也此書奉母將兵罪
乾順也

十一月獻金明俘于遼

中國自金明破哲宗命緣邊諸路相度要害增嚴
守備熙河將王文郁等築汝遮爲安西城以通秦
鳳援師梁氏懼中國聲討遣使獻俘遼國以爲應
援

十二月爭葭蘆城不克

西夏書事

卷三十

三

夏兵據橫山並河爲砦四出寇掠秦晉之路皆塞
知太原孫覽謀取葭蘆戍扼其險阻梁氏遣兵數
萬屯境上覽下令吾兵少須滿五萬方西夏兵聞
而備懈一日猝爲覽所乘大敗覽遂城葭蘆

紹聖四年

遼壽昌三年

夏天祐民安八年春正月悉兵屯

河外涇原官軍襲沒烟峽破之

夏兵入鄜延右廂種落盡屯河外以爲進取計涇

原帥毛漸使鈐轄王文振乘虛襲破沒烟峽砦斬

三千餘級河外兵回援不及

二月于闐國破瓜沙肅三州

于闐黑汗王阿忽董娥密竭篤使其子詣京師上表言緬藥家作過別無報效已遣兵破夏國瓜沙等三州哲宗詔厚答之

準按

夏小國也東北鄰塔坦西南接遼川已足牽

夏制兵力茲西有于闐擾其瓜沙諸州國之外患榮多矣猶不知自保頻擾邊陲其不能得志也宜

問三哉

侵綏德城

西夏書事

卷三十

四

夏兵七萬攻綏德鄜延官兵力拒不得逞

閏二月寇麟州敗績首領七人戰歿

梁氏遣兵六萬攻麟州神堂堡甚急都監賈巖以數百騎巡屈野河間道據北欄坡從嶺上馳下奮擊夏衆倉猝首尾不能救近上首領七人皆死餘衆號哭走還

按

兵敗不書所殺之數其書者重詞也夏人疊

次犯邊勝負相半麟州之戰賈巖以數百騎破

六萬餘衆殺首領七人其功偉矣

三月圍葭蘆城不克退守長波川與河東兵戰敗還
葭蘆城工甫竣梁氏遣兵圍之六日知石州張構
率所部赴援夏兵戰不勝退保長波川據險以待
會河東將折克行率兵入界迎擊被殺者二千餘
人

夏四月令民耕大理河東地

夏國近邊二三百里人戶衆多資糧易集乾順令

蕃部揚言城裏是漢家城外是蕃家常于夜間直

至大理河東葭蘆境上侵耕曠地晝則卻歸本界

西夏書事

卷三十

五

經畧使禁之不能止

爭靈平會敗走

知渭州章粲以夏兵猖獗議守涇原之靈平會命

鍾傳與部將苗履統衆城之梁氏遣兵力爭傳將

步騎二萬出不意造河梁濟師作金城關扼其險

要夏兵遂敗

監軍嵬名濟救洪州兵敗洪州失守

靈夏綏銀地多曠土每歲資糧取足于洪宥而二

州羌戶勁勇善戰國中恃爲肘腋自宥州頻經兵

夔城郭殘破知保安軍李沂以兵圍洪州寇名濟
率衆赴援與沂軍戰不勝而走城遂破內外居民
族帳盡被焚毀暴東入谷斡草一束燬燧一具燬
環慶官兵破鹽州尋復之夏兵斡劍不輝乘高下州
環慶鈐轄張存率兵入夏界至三角川遣銳卒攻
破鹽州俘戮甚衆及還梁氏遣兵追襲存上高原
平少憇夏兵縱火四面攻擊殺蕃官承制趙宗銳
等復取鹽州

集兵駐沒烟峽以爭平夏城不克夏國合諭

西夏書事

卷三十

六

葫蘆河據西州形勝章綦擬城之以逼夏國令總
管王文振統熙河秦鳳環慶諸路兵以折可適爲
副陰具版築築城于石門峽好水川之陰控扼韋
州靈夏諸隘梁氏集傾國兵駐沒烟峽設伏以待
可適兵先至失道入伏中死者千人左騏驎使姚
雄率熙河卒七千赴援夏兵據險不戰乘高下瞰
一日得間分頭暴集人各攜草一束鋏鏹一具填
濠而過斲掘城身雄奮勇迎擊流矢注肩戰益厲
夏兵引卻被斬三千餘級俘擄數萬城遂成賜名

平夏

趙挺之崇寧邊畧云太僕寺丞張甸言章棗在涇原進築平夏靈平蓋合五路之兵夫凡

七十餘萬民有雇夫代役者日直三千自正月至四月而罷所費未可以千億計也夏人素有謀畧皆遠引不出疑若坐困我師乃乘利而出耳與宋史棗傳異

五月遣使以宋城要地告于遼

梁氏遣使告于遼曰夏國與南朝歷年交和忽于

諸路齊發人馬夫行殺掠今則深入近裏地分及

于朝廷邊界相近諸要害處多修城壁侵取不息

伏望計會南朝卻令還復所奪疆土城砦盡毀所

修城壁

西夏書事

卷三十

七

左廂首領沒藥內附

沒藥本順寧砦蕃官元祐六年投入夏國官左廂

首領順寧砦巡檢劉延慶遣蕃部均陵陵詐投入

國說令返正沒藥攜所部內投授右侍禁令依元

部坐住

秋七月飢

國中大困民鬻子女于遼國西蕃以為食

都統軍賀浪囉將兵救宥州太敗

自張蘊兵還梁氏復取宥州鄜延經畧使呂惠卿

命諸路出兵討擊熙河將王愍兵抵宥州洪宥韋
三州都統軍賀浪囉率衆赴援愍擊敗之追奔二
十里遂入宥州焚官署倉獄行宮并文籍簿書屯
兵淖河賀浪囉復遣首領移卜淖凌吉訛遇以千
騎邀官軍後與愍等轉戰而南至秦王井爲神臂
弓射卻死者甚衆因退據高原愕視不敢動命
八月夏州被圍復遣使如遼乞援又遣使與西夏

梁氏自七月中點集河南北諸路人馬謀犯鄜延
路白波流諸處都監劉安將兵入界梁氏遣衆禦

西夏書事

卷三十

于浪沁沙敗績安進薄夏州梁氏令城中謹守復
遣使求援于遼言自被南宋侵圖約二十年于諸
八要害進築城砦不少今歲以來又多修築夏國疆
宇日更腹削頻受侵陵乞發大兵援助遼主令涿
州牒雄州云西夏本當朝建立兩曾尚主近累使
奏告被南朝侵奪地土縱兵殺掠有害和好請追
還兵馬毀廢城堡悉歸所侵如尙稽違當遣人別

有所議

涿州移牒在十月
茲連敘之

彗星見肆赦改明年元

梁氏聚兵將窺涇原以彗星見放散人馬乾順仿
中國制減膳避殿下罪已詔大赦改明年元曰永
安

按上書飢乃大兵之後必有凶年天之示警于
夏也乾順不自脩省聚兵將窺涇原于是又有
彗星之異始罪已肆赦放散兵馬不亦晚乎

九月蕃官妹納僧哥內投

妹納僧哥爲帶牌天使聞中國敕榜招諭遂內奔
授禮賓副使充蘭州部落子巡檢

西夏書事

卷三十

九

冬十一月熙秦官軍破白草原抵天都山無所得而

回

中國屢行討蕩夏國天都山屬蕃盡將牛羊窖粟
預行遠徙時熙河兩路兵四萬出塞將至剴子山
監軍司以十萬騎陣白草原拒戰不勝拔營西走
兩路軍直入天都監軍司所搜挖無所得軍士糧
竭飢死者半乃回

元符元年

遼壽昌四年

夏永安元年春正月鄜延官軍入

界拒之十里并殺順寧砦監押石福

鄜延副總管王慤率諸將由塞門入界大首領凌吉訛遇合洪宥兩監軍兵迎戰不勝退至十里井福與部將賀文密恃勝來追帶金環首領數人皆戰死文密亦重傷福歿于陣亂部數兼赫山一

二月犯大定城

二千五百人黑風半羊四千餘

大定屬蘭州與夏國分界處梁氏兵屯界上肆行抄掠聞蘭州知州王舜臣兵出金城關乃退還舜臣追至右廂監軍司地夏兵返戰不克帶牌天使

數名皆死

西夏書事

卷三十

十

三月監軍阿燕率族內投

與其子襄渠及家口人戶約千人阿燕老將多計謀習邊事常出兵寇環慶自中國取安疆砦阿燕懼罪經畧司孫路使人招之遂內附部族聞其降節次投者共二千七百人馬駝牛羊四千餘哲宗特除阿燕宥州刺史充環慶路沿邊兼橫山一帶蕃部都巡檢使賜名懷明襄渠授三班奉職賜名世忠已而蕃部默吹萌山等亦從鄜延涇原路請降默吹補內殿崇班萌山與副兵馬使

附 哲宗實錄元符元年三月癸酉河東路經畧

使奏崇儀使張世永等領兵出界于勝羅沒隴

橫川一帶討蕩斬一千餘級大小首領二十餘

人攻此事宋史不載

夏四月涇原官軍出沒烟峽來攻四十四州

涇原兵三次來襲羊馬被掠甚衆至是統制官孫

文將九千騎出沒烟峽直抵屯兵所斬級獲孳畜

而退

大首領鬼名藥默內降

西夏書事 卷三十 七

藥默乾順疎族領會州一帶蕃部是時由熙河路

內歸中國令補西頭供奉官兼本族巡檢

監軍鬼名濟入鄜延圍順寧砦

濟圍順寧副將張守德以輕兵邀擊濟退走長城

嶺至赤羊川被斬十二級失馬四十匹時有降羌

潛告師期守德預爲備故濟不得逞

五月鄜延官軍攻夏州大首領鬼名乞勒以兵護大

沙堆不克

沿邊人戶因官軍逆次討擊並於大沙堆建柵聚

族自保時廊延路以順寧之圍遣鈐轄苗履統諸將出塞攻夏州梁氏恐官兵焚蕩大沙堆蕃族遣嵬名乞勒那哆陵丁駐兵南面防護苗履揮衆奮擊乞勒等大敗喪失萬計退走五十里

六月梁氏乞兵于遼遼集兵次于境上

乾順屢次乞援遼主但牒雄州令還夏國疆土不肯發兵梁氏乃自爲表請之多怨望語遼主不悅

聲言點集人馬應援夏國仍次境上不出

按

書梁氏何志禍始也梁氏以遼主不肯應援

西夏書事

卷三十

七

自爲表請致以怨辭逢怒他日鳩毒之禍始于此矣

蕃部喝强山訛心內奔

二人乃監軍妹勒都逋親隨由涇原入降俱授左班殿直强山言夏國欲以今秋併兵寇一路不攻城砦但覓便深入殺掠人戶經畧司以聞

秋七月以兵入涇原

梁氏以中國築沒烟前後兩峽控扼天都形勢于是編攔人馬出沒隆德砦九羊谷又于涇溝段大

道掘濠作塹縱游騎侵殺邊舖戍卒守將折可適
同蕃官慕化率兵伺懈出擊方止

掠熙河平西砦

八月寇名濟以兵保青嶺與鄜延將苗履戰敗績

初中國聞強山言謀縱兵討蕩于是王舜臣出熙

河張世永出河東折可適出涇原鄜延遣履護七

將九千騎于是月七日會于柳青平詰且至青嶺

濟屯兵嶺北拒之履等奮擊濟大敗被殺五百餘

西夏書事

卷三十

三

人亡牛羊萬計嶺南北一帶禾稼蹂踐殆盡

九月有星出東井西

如太白狀占者云宮中有憂梁氏聞之惡復謀舉

兵

冬十月梁氏復自將攻平夏城潰還

中國自城平夏沿邊諸路相度膏腴相繼進築國

人憤曰唱歌作樂地都被漢家占卻後何以堪梁

氏謀舉國爭之與乾順計曰平夏視諸壘最大守

將郭成最知兵法攻其堅則瑕自破于是親將

四十萬衆自沒烟峽疾趨平夏

會布日錄二十五日夏兵百五十萬

距盪羌砦五十里屯聚旬日乃圍盪羌通峽平夏靈平高平九羊六城砦約三十萬是所攻不止平夏也與宋史諸傳異連營百里建高車日對壘載數百人填

塹而進飛石激火晝夜不息兵士死者數千傷者

倍之經十三日城中捍禦有方終不能破糧漸乏

一夕大風起西北衝車悉震折衆大潰梁氏慚哭

勢面而遁

按書復將甚詞也梁氏窮兵驢武以一女子常

在行間軍中有婦人兵氣爲不揚大風震車戎

西夏書事

卷三十

十四

衆奔潰有自來矣雖慙哭勢面豈足掩其羞哉

御史中丞仁多楚清舉族內降

楚清官在蕃宰相樞密使下父陵丁死姪保忠代

爲統軍楚清職雖高不得專兵柄嘗請于梁氏不

許心常怏怏時國兵入寇楚清攜家口四十餘人

從間道內投賚生金三百兩並冠服寶玩鞍韉繡

龍帳入獻熙河經畧司視之俱世家物諸羌不及

也哲宗詔赴闕還所獻物授甘州團練使右廂卓

羅一帶都巡檢使

哲宗實錄熙河蘭會路經畧司言歸附大首領乞加職任詔呂

永信爲甘州團練使涼州一帶蕃部都巡檢鈐轄
妻琳沁哥封會寧郡君男楚清爲西頭供奉奏官
賜名良嗣蘇沁定馬爲供備庫副使卓
囉右廂一帶蕃巡檢與會布日錄異

十一月復遣使乞援于遼

初梁氏圍平夏恐諸路赴援遣駙馬都尉罔囉屯
羅薩嶺禦熙河路大首領哱心屯梁檉臺嵬名濟
駐白池禦鄜延秦鳳諸路攻城甫十二日間熙河
王愍入界斬罔囉鄜延劉安張誠入界敗哱心嵬
名濟等軍中遂無鬪志及還檢喪人馬二萬餘牛
羊馬駝數萬數百里中族帳蕃積焚毀殆盡國中

西夏書事

卷三十

五

奪氣乃遣首領嵬名咩布至遼乞兵猶恐漢兵深
入于諸州分掘窖粟點集諸監軍司兵踐踏沿邊
食用爲清野計

潛師入涇原犯乾興天聖等砦

梁氏旣解平夏圍人馬仍在涇原近邊盤泊見官
軍盡屯葫蘆河知聲勢不相應潛遣精銳入鎮戎
軍掩至二砦焚掠甫二日間援軍至走回天大雪
人馬僵凍過半

十二月統軍嵬名阿埋等復窺平夏被擒餘衆棄天

都山而潰國又遷娘梁瓦鼎梁不出與范餘山又宗

西壽監軍在柔遠山北阿埋為六路都統軍與監

軍妹勒都逋皆桀黠用事稱善戰時以畜牧為名

自月初宋史郭成傳夏兵攻平夏成與折可適議乘勢深入以騎異道並進遂俘阿埋都逋

二人商氏續綱目冬十月夏人寇平夏城章棗大敗之獲其將嵬名阿埋似屬一事攻棗傳棗擒阿

埋在攻平夏後哲宗紀及夏國傳二事時月亦異宿兵平夏境欲俟黃河

凍解入犯哲宗詔章棗密圖之棗偵知無備遣郭

成折可適以萬騎異道並進直入其帳執之曾布日錄

云時為鄉導者乃妹勒都逋部將曠暉懼罪來降故盡知二人所在又偵知其居無兵馬直入臥內

西夏書事 卷三十 六

之盡俘家屬擄馘三千餘牛羊十萬餘眾駭愕遂

棄天都不守為可適等所據章棗奏議云西夏族帳見失此二人接續

扶攜老幼爭來歸降並欲依附二人以居章棗曰涇原遣師淺攻者

凡四次而三次兵馬所至不過百里西人以為怯

又以為技止于此故阿埋等安居山林謂漢兵不

能深入故得乘其不備擒之蓋亦墮于多方誤之

之計也猶憶昔梁蕭用事欺善理却因畜地誤

鈐轄吳名革內投鼓山北阿埋為六路統軍與

名革見國兵屢敗梁氏點集不已與弟名山及家

口七百九十餘人內奔以所有牌印入獻

按一歲之中國中內降者踵相接親離眾叛邦

元符國將危梁氏不知保境息民猶恣行黠集宜其

取西禍之速也

月犯東井

犯西扇北第二星太史奏主兵喪梁氏不省

附宣和遺事二帝北狩道遇綠衣吏飲帝以水

且進糧糗曰臣本漢人昔父周忠為延安鈴轄

元符初與夏人戰兵敗父子被擒由是仕于西

西夏書事

卷三十

七

夏宣和中西夏出兵助遼為金人所執授靈州

總管攻是年鄜延兵三入夏界未曾大敗且靈

州屬夏金未嘗取其地何以有總管之設此必

野紀有誤

民既東我投也乎此又何理善安居山林謂漢兵不

能識之數也其不備之益亦隨于多方設之

之圖謀試舉凡不賦稅息民濟恣行課隸宜其

分疆一盡之中國中內割善戰則避難舉進

西夏書事卷三十有終內衰也復存職職人總由及

西夏書事卷三十一

遼使至

元符二年

遼壽昌五年

夏永安二年春正月河東官軍謀

取西平府拒之于藏才山

嵬名阿埋等至中國獻計請以三萬人取靈州于

是河東統制張世永令副將折可大領人馬入界

抵藏才山夏兵迎戰可大兵不得進

復因遼使至郵延議事

初夏人至邊每言已干遼國乞和嗣聞遼使蕭彥

西夏書事

卷三十一

一

昭至中國因遣使如郵延云欲議事哲宗詔經畧

司面諭邊吏如有文字密錄奏報不得擅接但云

已申保安軍指揮奏聽朝旨

遼殺夏主母梁氏

乾順年已成立梁氏專恣不許主國事遼主素惡

頰之故請援輒不應及表辭怨慢遣人至國酖殺梁

氏命乾順視國政乾順不敢違遣首領哆勿也賣

宥州牒至郵延稱國母于本月二十日薨已令大

西使令遼嵬名濟副使謨程田快庸詣闕赴告并附

謝罪表狀令遜謨程皆蕃官名也哲宗命保安軍
卻勿受

德按

梁氏專政窮兵日與中國爲仇罪誠大矣然

善非遼之所得殺也春秋齊人殺哀姜君子非之

三薄况梁氏非姜氏比乾順幸母之死以爲利其尙

幾婦有人理哉書曰遼殺夏主母交罪之也

五月爲遼人攻拔思母部

拔思母部遼國西南招討使所轄大安末與達里

底部頻爲遼難殺四捷軍都監特抹等左金吾衛

百夏書事

卷三十一

二

上將軍蕭阿魯帶擊降之已而復叛遼屢討不悛

命乾順舉兵伐之

大首領陵結訛遇以兵扼歸漢人于神堆與鄜延將

張誠等戰不勝

乾順以中國并建城砦數遭掩擊部族離散歸漢

者益衆令陵結訛率數萬衆于神堆及波濟立

魯遜埋諸險要駐營扼之鄜延鈐轄張誠劉安自

星勒泊烏延川襲擊斬四千級降四百餘人訛遇

大敗還

南路都統軍嵬名律令遣書熙河請修貢
蕃部嵬名密賈律令書入熙河稱夏國欲再遣使
乞脩貢經畧使孫路上其書哲宗以擅接夏國文
字降路官以書還使者
三月遼遣使爲請和銀州鈐轄令王皆保以兵掠府
州

乾順遣使訃告及修貢俱不納用嵬名濟等謀使
人至遼國請之遼主遣簽書樞密院事蕭德崇禮
部尙書李儼入獻玉帶持書爲夏解和畧曰粵維

西夏書事

卷三十一

三

夏臺實爲籓輔累承尙主迭受封王近歲以來連
表馳奏稱南兵之大舉入西界以深圖懇求救援
天之師用濟攻伐之難理當依允事貴解和蓋遼之
患于宋情重祖孫夏之于遼義隆甥舅必欲兩全于
二保合豈知一失于緩誠而况于彼慶歷元豐中曾
有披聞皆爲止退寧謂輒違先旨仍事遠征倘蔽
議以無從慮造端而有自則于信誓諒係謀維與
其小不忍而窮兵民罹困敝曷若夫爲防而善計
南世享太平特戒使輅敢達誠素哲宗命中書舍人

郭知章持書報曰惟西夏之小邦實本朝之藩輔
曲加封植俾獲安全雖與北嘗有婚姻之親而在
南全居臣子之分含容既久變詐多端爰自累歲
以來無復事上之禮賜以金繒而不已加之封爵
而愈驕殺掠吏民圍犯城邑推原罪惡在所討除
聊飭邊防預修武備據守要害控扼奔衝輒于去
歲之冬復驅竭國之衆來攻近塞凡涉兩旬自取
死傷數以萬計糧盡力屈衆潰宵歸更爲詭誕之
辭妄求拯救之力狡獪之甚于此可知采聽之餘

西夏書事

卷三十一

四

固應洞曉必謂深加沮抑乃煩曲爲勸和示以華
絨將之聘幣禮雖形于原意事實異于前聞緬料
雅懷殊非得已顧于信誓殊不相關惟昔興宗致
書仁祖諭協力蕩平之意深同謀外禦之情致欲
全除使無噍類謂有稽于一舉誠無益于兩朝宗
祖貽謀斯爲善矣子孫繼志其可忘諸今者詳味
籌辭有所未諭輒違先旨諒不在茲如克念夫前
徽當益敦乎大信相期固守傳示無窮矧彼夏人
自知困蹙哀祈請命屢叩邊關已戒封疆之臣密

察情偽之狀倘或徒爲空語陰蓄奸謀暫示柔伏之形終懷窺伺之志則決須討伐難議矜容若果出至誠深悔前罪所言可信聽命無違卽當徐度所宜開以自新之路載惟聰聽必諒惻衷使者甫出境乾順令令王皆保出兵突入府州境殺掠人民與知州折克行戰被擒

按

周氏發明謂是役也遼有恤鄰之誼故續綱

目以書人子之夫夏于遼宋中間屢造兵端然宋常爲敵而遼時爲援故夏兵勝則遼乘之以

西夏書事

卷三十一

五

肆要求夏勢衰則遼因之以示排解雖救難恤鄰春秋賢之而遼之此舉則未必然也觀于玉帶之禮方將鈐轄之師旋出不必遼人明知其計已令宋人難以爲情況乎德崇入境遼亦宿兵北道時集賢殿修撰張近知瀛州請出秦甲以伐其謀兩國之狡槩可見矣

附

李氏長編三月丁巳呂惠卿言討蕩西界曾

邈埋勒等處脇降蕃戶王固稱係夏街頭服事

小大王王差往宥州統領處使充走馬此事不

見宋史且小大玉夏國傳亦無攷

夏四月誅嵬保沒陵結訛遇等遣使入告

初國中用事臣嵬名阿吳死仁多保忠等皆統軍
在外嵬保沒與訛遇曰勸梁氏開邊及遣使解和
嵬名濟等勸乾順遣大使嵬名布哆聿介入告哀
且謝罪哲宗令捨二人入獻卽與收接表章乾順
乃以梁氏死歸罪二人殺之遣蕃部昌哥遇至順
寧告其事且云已差大首領慶瑯嵬名科逋磋
邁花結香來計會今國主恭順乞朝廷早賜收接

西夏書事

卷三十一

六

慶瑯磋邁皆蕃官名也

五月蘭會正鈐轄革瓦孃內附蘭會正鈐轄革瓦孃內附授內殿崇班
以所部孳畜及部落子隴登等入降授內殿崇班
賜銀絹錢各三百二人入獻與對奏章請職
毀鄜延路烽臺二人入獻

經畧司遣兵追不及

六月復遣使賫牒詣鄜延告哀

使人兩至鄜延朝議固卻其表無以示收納意令
保安軍移牒諭之乾順遣首領德明雅逋木孛至

順寧砦但有告哀公牒無謝罪表狀砦主李子明詰問使言舊例先送告哀牒然後差使副賫表狀赴闕子明以與前議不合申經畧司呂惠卿以聞哲宗命再牒宥州諭之

秋七月赤羊川首領賞囉訛乞內投監軍訛勃囉追之敗沒

賞囉訛乞遣所屬納木乞僧報欲歸漢知環州种樸以兵迎之并其家屬百五十餘口孳畜五千會勃囉巡視野砦率千餘騎追擊爲樸所敗勃囉及

西夏書事

卷三十一

七

首領淚丁訛遇札實等被擒

宋史夏國傳七月環州种樸巡徼赤羊川

獲賞囉訛乞等家屬孳畜與李氏長編異

八月熙河軍入界首領仁多洗忠被殺

洗忠仁多保忠弟熙河遣硬探人入界

范純粹奏議自种諤

領帥以來許諸將遣發人馬入西界侵掠謂之硬探

洗忠挺身鬪被殺夏衆

出援奪其尸而回

遣衆圍南宗堡

初西蕃阿里骨死其子瞎征殘暴嗜殺部曲離貳

洮州安撫使王瞻率兵取其地瞎征衆潰遂自青

致貽上怒更用窮征久絕歲幣之常儀頓削祖宗
之故地咎有所屬理尙可伸今母氏薨殂奸人誅
竄故得因馳哀使附上謝章矧惟前咎之所由蒙
睿聰之已察亦或孤臣之是累冀寶慈之垂矜特
納亦誠許脩前約念赦西陲之敝國得反政之初
願追列祖之前猷賜曲全之造俾通常貢獲紹先
盟則質之神靈更無于背德而竭乎忠蓋永用于
尊王哲宗賜詔曰省所上表前情具悉爾國久歷
年所屢啟兵端迨爾母氏復聽奸謀擾我疆場毒

西夏書事

卷三十一

九

及黎庶天討有罪業何可容今兇黨殲除爾既親
事而能抗章引慝冀得自新朕喜爾改圖姑從矜
貸已指揮諸路經畧使令各據巡綽所至明立界
至并約東城砦官兵如西人不來侵犯卽不得出
兵過界爾亦當嚴戒緣邊首領毋得滋擾邊境未
幾乾順遣騎二千餘出浮圖岔犯鎮戎軍陳告與
差使李燾迎戰殺之

閏九月統軍仁多保忠率兵助西蕃圍湟州不克

王瞻擊降攏拶以邈川爲湟州青唐爲鄯州二城

距興靈止二百里南有講珠羅羅二城與湟州北
阿訛城相接羌酋心牟欽瓊籤羅結聚數千人圍
湟州遣使數輩乞師乾順使保忠及達摩等三監
軍兵十萬助之先斷炳靈寺橋燒星章峽棧道四
面急攻分兵破南宗堡獲守將劉文珪驅至城濠
謂總管王愍曰吾所欲城與地耳第以城歸吾當
捨汝愍謂文珪曰爲吾語夏人天子俾吾守城能
殺我城可得也攻圍十六日愍守益堅保忠令于
南城積薪數萬將焚門會諸將苗履姚雄李忠傑

西夏書事

卷三十一

十

各率所部赴援戰于青唐崕烟塵亘天夏人不知
多少惶遽渡湟水還鈴轄鬼名夥遇被獲

冬十月移牒鄜延請申約束

初宥州牒鄜延請遣使進誓表中國以湟州之役
不肯收接回牒詰犯塞之故至是復牒鄜延言已
約束首領不得更犯漢界

遣使如遼謝

以中國許和故也

十一月進誓表

乾順遣令能嵬名濟進奉御馬上表謝恩畧曰臣國不幸時多遇凶兩經母黨之擅權累爲奸人之竊命頻生邊患頗虧事大之儀增怒上心用張弔民之伐因削世封之故地又罷歲賜之舊規衅隙既深理訴難達昨幸上天之祐假聖朝之威凶黨伏誅稚躬反政故得遐馳懇奏陳前咎之所歸乞紹先盟果淵衷之俯納蒙頒詔而申諭俾貢誓以輸誠備冒隆恩實增慶躍臣仰符聖諭直陳誓言願傾一心脩臣職以無怠庶斯百世述貢儀而益

虔飭疆吏永絕爭端誠國人恒遵聖化若違茲約則咎凶再降倘背此盟則基緒非延所有諸路緣邊界至已恭依詔旨施行本國亦于漢界以外側近各安立卓望并若子去處更其舊行條例并約束事節一依慶歷五年正月二十二日誓詔施行哲宗遣使以銀器衣著各五百疋兩賜之荅詔曰爾以凶黨造謀數于邊吏而能悔過請命所紹先盟念茲種人亦吾赤子措之安靜乃副朕心嘉爾自新俯從厥志爾無爽約朕不食言所當顯諭國

人永遵信誓除疆界並依已降旨以諸路人馬巡
綽所至立界墩之處爲界兼遼川青唐已係納土
歸順各有舊來界至今來並係漢界及本處部族
有逃叛入夏者卽係漢人并其餘應約束事件一
依慶歷五年正月二十三日誓詔施行自今以後
空恩禮恩賜並如舊例

十二月遣使乞賀正且
先保安軍牒言誓表內誠國人下一字犯真宗皇
帝廟諱乾順遣使謝罪且乞遵例賀正使人并言

西夏書事

卷三十一

十一

國主效順皆大首領寇名濟輔導之力今賀正屆
期濟勸國主遣使貢奉因誓詔未至不敢遽進

元符三年

遼壽昌六年

夏永安三年春正月西蕃以南宗

堡來附不受

南宗北控夏國南接星章峽西連宗哥城形勢天
險自錢羅結叛諸堡殘破及官軍出羌衆潰散諸
城咸卽歸順獨南宗負固不下姚雄苗履屢攻不
克羌人請附夏國乾順不受惟假兵數百戍之

秋七月遣使奠慰

初夏使入朝預牒邊臣除館以待及爲境上之議
故爲此去彼來牽制勞苦每違期日吏部侍郎陳
堯叟請戒邊臣如違期不至則勿復應自後不復
敢違是時閻哲宗崩卽遣使入弔并奠慰

八月入賀卽位國示平
赫示平 蓋天誦諱夏貞觀元年春二

使人與遼使蕭穆同見並賜燕加禮而還

冬十月遣使入貢國示平
赫示平 蓋天誦諱夏貞觀元年十月丁

時中國貶姦臣章惇等使人入見賜賚甚厚宋史

夏國傳元符三年十月夏遣使賀天寧節攷哲宗紀十
月乙未夏人入貢徽宗紀建中靖國元年十月丁

西夏書事 卷三十一 三

西天寧節羣臣及遼使初上壽于垂拱殿是
是年帝在新喪未行吉禮不可云賀天寧也

十一月請婚于遼國示平
赫示平 蓋天誦諱夏貞觀元年十月丁

入乾順以梁氏之死恐遼國見疑益思自結故以尙

主請遼主不許國示平
赫示平 蓋天誦諱夏貞觀元年春二

宋徽宗建中靖國元年遼天祚乾夏貞觀元年春二

月遼使來告哀國示平
赫示平 蓋天誦諱夏貞觀元年春二

道宗喪也國示平
赫示平 蓋天誦諱夏貞觀元年春二

夏四月遣使如遼奠慰國示平
赫示平 蓋天誦諱夏貞觀元年春二

乾順遣御史中丞蘇愈如遼時與高麗使並至愈

禮節嫺雅館伴耶律德倫特重焉
五月進助山陵
遣使獻物助工
秋八月始建國學
自冀霄創建蕃學國中由蕃學進者諸州多至數百人而漢學日壞士皆尙氣矜鮮廉恥甘罹文網
乾順患之御史申丞薛元禮上言士人之行莫大乎孝廉經國之模莫重於儒學昔元魏開基周齊繼統無不尊行儒教學尙詩書蓋西北之遺風不可以立教化也景宗以神武建號製蕃字以爲程文立蕃學以造人士緣時正需才故就其所長以收其用今承平日久而士不興行良由文教不明漢學不重則民樂貪頑之習士無砥礪之心董子所謂不素養士而欲求賢譬猶不琢玉而求文采也可得乎于是乾順命于蕃學外特建國學遣教授設弟子員三百立養賢務以廩食之

按夏自元昊制蕃書立蕃學變本而加厲之數

世以來未之改也乾順聽元禮之言建學崇儒
設弟子員以儲人材立養賢務以給廩餼有其
舉之莫敢廢也較諒祚之用漢禮求賜書不更

原有進耶

冬十二月遣使如遼賀卽位

天祚嗣位已十月賀使始至館伴傳遼主命責之

恤仁多洗忠家

洗忠戰沒熙河子幼未授職仁多保忠請之乾順

命先以廩祿賜其家

西夏書事

卷三十一

五

崇寧元年

遼乾統二年

夏貞觀二年春二月與河西軍節

度使趙懷德結婚

懷德卽攏撈中國以羌人久亂王瞻等不能定議

棄鄯湟賜攏撈姓名曰趙懷德授河西軍節度使

其弟邦辟勿丁頃曰懷義同知鄯湟二州事乾順

見西蕃恢復故土重申姻好許以宗室女妻懷德

高永年隴右錄謂梁氏以女妻懷德時梁氏已死錄誤

夏六月復遣使如遼請婚

乾順使殿前太尉李至忠秘書監梁世顯如遼貢

獻請婚遼主問乾順爲人至忠對曰秉性英明處事謹慎守成令主也遼主善其對命徐議之

附

遼史天祚紀乾統二年夏六月壬子李乾順

崇寧爲宋所攻遣李造福田若水求援攻宋史徽宗

紀是年無用兵西夏事

秋八月築沿邊堡砦

國中素少城砦乾順仿中國制于東北沿邊多樹

砦柵廊延路以聞朝議舉兵牽制知秦州何常爭

之兵不出

西夏書事

卷三十一

六

冬十月淚丁訛遇自環州還

初訛勃囉被擒以信號與種樸令招其家人及其

所部并諭訛遇降訛遇不可囚之土室中三年至

是賂守者得脫還乾順嘉其不屈擢爲監軍使使

守赤羊川

崇寧二年

遼乾統三年

夏貞觀三年春二月建臥佛寺于

甘州

乾順自母梁氏卒輒供佛爲母祈福甘州僧法淨

于故張掖縣西南甘浚山下夜望有光棚之得古

佛三皆臥像也獻于乾順乾順令建寺供之賜額

臥佛

三月羌人圍鄯州河西軍節度使趙懷德請援

羌人多羅巴奉喃厮囉裔溪賒羅撒

宋史吐蕃傳以溪賒羅撒

為溪巴温子王厚傳以為是攏拶弟未知孰是

謀殺懷德以復國舉數萬

衆圍鄯州懷德遣使至夏國請兵乾順遣仁多保

忠帥兵援之兵未至多羅巴三子皆善戰懷德力

不支棄州奔河南

夏五月復乞婚于遼

西夏書事

卷三十一

七

遼主許之

附遼史天祚紀乾統三年冬十月庚申夏國復

遣使求援攷是時夏與宋尚未交兵不知何以

求援宋史夏國傳不載

秋九月封弟察哥為晉國王

察哥乾順庶弟雄毅多權畧引弓二石餘射洞重

甲嘗偕仁多保忠援錢羅結兵敗前迫湟水不得

渡察哥持弩拒之一發中苗履副將宋兵退乃免

任都統軍鎮衙頭建議言自古行師步騎並利國

家用鐵鷁子以馳騁平原用步跋子以逐險山谷
然一遇陌刀法鐵騎難施若值神臂弓步奚自潰
蓋可以守常不可以禦變也夫兵在審機法貴善
變羌部弓弱矢短技射不精今宜選蕃漢壯勇教
以強弩兼以標牌平居則帶弓而鋤臨戎則分番
而進以我國之短易中國之長如此則無敵于天
下矣乾順是其策封晉國王使掌兵政

冬十二月入賀正旦

使臣田守義朝賀畢就館燕時中國謀伐夏館伴

西夏書事

卷三十一

六

呂約試探虛實守義正色曰如君所言豈使臣分
事耶約愧而止

西夏書事卷三十一終

西夏書事卷三十二

青浦 吳廣成 西齋 纂

崇寧三年遼乾統四年夏貞觀四年春二月廢統軍仁多

保忠以兵攻渭延慶三州

左廂卓羅監軍司地在黃河北統軍仁多保忠素

黠築駐兵劉子山總領西南部族與邈川首領温

溪心鄰境相善元祐中邊臣令温溪心委曲勸諭

許除節度使令保守舊土自為一蕃以梁乙逋猜

忌不敢動乙逋死保忠曾遣使至熙河請內附不

西夏書事

卷三十二

一

果曾布日錄云元符初環慶將李忠傑出兵襲劉子山欲擒仁多保忠不獲獲其牛羊族帳甚衆

時尙書左僕射蔡京使熙河帥王厚招之厚言保

忠雖有歸意下無附者章數上京責厚益急乃遣

其弟赴保忠所計事還為邏者所獲乾順追保忠

赴牙帳京猶欲招致厚言保忠不能復領軍改使

得之一匹夫耳何益于事京不聽潛使人以金帛

崇誘之乾順怒聲言假兵于遼點精兵數千騎出大

渭延慶三州間抄掠民畜大肆媿辭

西夏書事夏自元昊僭號世世窺邊罪之者不云築點

論卽曰凶頑蓋尊中國賤蠻夷春秋法也迨乾順
請和歲時入貢朝廷因其慕義正當示以懷柔
况其國中建學養賢不復尙武此正德綏之會
各禮致之秋也夫何欲建邊功潛施計誘使其君
六月臣疑貳復啟兵端謀國不臧誰之咎與

夏五月遣兵爭石堡城不克

初邠延將景思立曲珍攻拔磨崖葭蘆浮圖諸砦
知延州沈括議築城不果及陝西轉運使陶節夫
知延州議築州北之石堡砦石堡以天澗爲險可

西夏書事

卷三十二

二

進者惟一路宋初嘗置城至道後廢之遂爲夏有
窖粟其間以千數城旣成乾順憤曰漢家奪吾金
窟塢亟發鐵騎爭之節夫部分將士擊敗夏兵統
軍以下被殺者數十百人

六月戰于靈州川復敗遣使求援于遼

河南四十五州夏國十有其四東路由清遠距羅
山訖靈武不及百里特以五監軍統焉而韋州又
恃靈武爲右臂鍾傳欲斷其要害遣將折可適領
銳騎出蕭關薄靈州川夏兵猝不備大敗蕃民扶

老拔稚中夜入州城被俘者甚夥

宋史郭浩傳徵宗時為環慶將

嘗率百騎抵靈州城下夏兵千人追之浩手斬二人以首還與可適傳異

乾順乃遣李

造福田若水至遼求援

冬十月遣使請和不得掠鎮戎軍

中國用蔡京計令西邊招致夏人毋論首從賞同

斬級陶節夫在延安大加招誘西民放牧近邊者

輒勝以兵不從則殺之乾順異詞請和節夫拒之

不得達乾順怒合四監軍衆突入涇原圍平夏城

殺鈐轄楊忠攻鎮戎軍掠數萬口而返

宋史夏國傳三年夏

西夏書事

卷三十二

三

人攻鎮戎掠數萬口執廓州知州高永年而去攻永年被殺在四年攻宣威城時傳誤

節夫大加招誘輒殺放牧夏不之怨從而請

和可謂有禮矣乃拒不以聞致邊民塗炭曲豈

在夏與

宋史李南公傳知延安府夏人攻涇原南公

出兵搗其虛夏兵乃退攻夏國傳當夏人犯涇

原時國中不聞有受兵事

崇寧四年

遼乾統五年

夏貞觀五年春正月復乞援于遼

遼為之請罷兵

乾順復遣李造福等如遼求援且乞伐宋遼主出兵千餘屯塞上遣樞密直學士高端禮入貢以姻
二 月 月 入 東 井
三 犯 距 星 未 幾 犯 水 位
八 姬 爲 言 請 罷 伐 夏 兵

監軍駙馬兀朮率師援銀川砦戰于蒿平嶺敗歿遂
失銀州

初徐禧等于永樂小川築新城距銀州二十五
里前據銀州大川賜名銀川砦及永樂陷銀川亦
西夏書事 卷三十二 四

沒至是官軍圍之城中固守裨將韓世忠斬關殺
守城將擲首陣外諸軍乘之砦遂潰兀朮以重兵
赴援次蒿平嶺與世忠戰不勝而走俄出間道爭
之復敗死于陣銀州守將皆棄城走平嵩娘歿遂
三 月 癸 亥 犯 東 井
二 留 井 距 入 鉞
以 兵 納 西 蕃 溪 賒 羅 撒 攻 宣 威 城 不 克

洮西安撫使王厚再定鄯湟吐蕃種落散亂溪賒
羅撒與多羅巴走投夏國乾順謀納之合四監軍

兵數萬攻宣威城

卽吐蕃麓牛城崇寧初改名

知鄯州高永年

出援行三十里逢羌帳下親兵數百迎之皆永年

昔所推納熟戶信之不設備羌遽執之多羅巴謂

其下曰此人奪吾國使吾宗族漂落無處所殺之

探其心肝食焉徽宗令援兵深入急分其勢無令

專向東方熙河鈐轄趙隆至鐵山先登陷陣士卒

殊死戰夏兵聞之遂解圍

按春秋書納不應納者也茲書者予夏也唃氏

有大功于宋瞎征隴拶輩爲王厚所逼舉土出

西夏書事

卷三十二

五

降宋之負西蕃甚矣溪賒羅撒乃唃氏裔多羅

巴奉之襲據青唐亦自復故地非與中國爭也

自童貫再復湟鄯種落摧殘乾順以姻好之故

爲之出攻宣威非興滅之義乎

遼以宗女來歸

宗令對其人益衣其裝無合

遼主封宗女南仙爲成安公主歸于乾順

宋史夏國傳在

崇寧三年茲從遼史天祚紀

按前義成興平書公主矣茲書宗女見成安之

賢不以公主重也不以公主重則義成興平

所可並稱者故異文書之

掠塞門砦

乾順以陶節夫城銀州遣兵爭之謀告夏衆已東

節夫曰必西趨涇原也遣禪將耿端彥率兵疾馳

至銀州襲之五日城成夏兵從涇原至見備禦已

固由杏子河東山入延州塞門砦大掠五日還

遣兵爭蕭關敗環慶將折可適于踏口西邀蕭中

蕭關善水草便屯聚爲夏國左臂地有舊城址鍾

傳議城之遣可適將兵護役遇雨失道至踏口夏

西夏書事

卷三十二

六

兵乘之可適敗走

夏四月攻臨宗砦不克

臨宗屬湟州圍之數重伏兵乳酪河西邀截中國

援兵知州辛叔憲遣部將李寧將兵出戰先以鐵

騎蹂伏處縱兵奮擊遂敗

宋自蔡京專政童貫擅兵開邊生事非西蕃

卽西夏耳西蕃衰亂勢不復支西夏恃其兵力

連次入擾然俱不書寇以曲在中國不得專罪

夏也並錄西夏異文書之

五月攻順寧砦及北蕃市城又敗
陶節夫既城石堡銀州上言洪宥諸州已在顧盼
中橫山之地十有七八興州巢穴淺露直可計取
因陳取興靈之策蔡京令西邊儲粟以待乾順聞
之先以兵攻順寧砦鄜延第三副將劉延慶奮擊
乃退轉攻涅州北蕃市城又爲辛叔憲所敗

六月遣使如遼謝
因賜婚也且貢方物
冬十二月復使乞援于遼遼使入請侵地

西夏書事

卷三十二

七

乾順復遣李造福田若水趣遼赴救遼使樞密副
使蕭良入朝言朝廷出兵侵夏今大遼以帝妹嫁
夏國主請早退兵還所侵地徽宗遣翰林學士林
攄報使

崇寧五年遼乾統六年夏貞觀六年春正月彗星見

出西方其長竟天

二月遼復爲求侵地

初林攄報聘蔡京密使激怒遼國以絕其請攄盛
氣入境迓者小不如儀輒詬辨及見遼主始跪授

書卽抗言夏人有罪北朝不能加責而反爲之請
耶遼君臣不知所對及還遼主使摠附奏求還夏
國城砦摠語復不遜遼主怒逐之遣知北院樞密
使蕭得里底南院樞密使牛溫舒以使人失禮入
告仍請還元符講和以後所侵夏地徽宗許還崇
寧以來侵地若先帝已定疆畫不得復議也

遼史
牛溫

舒傳溫舒與蕭得里底使宋方大宴使人爲道士
裝索土泥藥爐優曰土少不能和溫舒遽起以手
藉土懷之宋主問其故對曰臣奉命來和若不
從則當捲土收去宋人大驚遂許夏和

按遼之于夏世爲婚姻嘗爲之乞和請地求退

西夏書事

卷三十二

八

兵無足異者而宋自紹聖中章彙戍平夏拓砦
五十餘所又經陶節夫日肆進築夏之削弱甚
矣于此而扶其衰排其難恤鄰之誼誰曰不宜
况受林摠之侮絕不與中國較遼之此舉事出
至公故疊書予之

夏六月遣使如遼謝

密封平夏拾以與人犬

中國旣許夏和廢銀州爲銀川城罷五路經制使
徒陶節夫知洪州乾順遣李造福如遼謝解和之

德

冬十月遣使入謝

自延慶之役兵連者三年至是始修職貢自後歲

時通使邊境少安

文苑英華卷八百一十五

大觀元年

遼乾統七年

夏貞觀七年秋八月遣使入貢

會中國大宴饗故制外國使預宴者夏使于西廊

父南赴坐交使以次歇空進奉押衙次交州契丹舍

利從人則于東廊南赴坐大中祥符四年升交州

大尹朶斡夏州押衙于東廊南頭歇空坐七年又升

龜茲使副于西廊南坐自後遂為定制是時于闐

西夏書事

卷三十二

九

龜茲涪州夷入貢夏使坐三使上成禮而還

大觀三年

遼乾統八年

夏貞觀八年夏四月世子仁愛生

世子成安公主所生乾順遣使告于遼

南按子生不盡書茲書仁愛何仁愛為遼公主所

會生異時痛遼國之亡憤悒而卒是可誌也

六月以兵戍蓋龍坨

貞觀十八年八月

中國既復洮州復攻溪哥城西蕃王子臧征撲哥

降建積石軍距蓋龍坨不及百里乾順恐被侵掠

以兵五千戍之

秋九月移牒定邊軍請罷築堡定邊軍移築堡
定邊軍向距甜井堦多移嶺界城士餘里嘗築觀
夏化通化二堡扼通祈嶺通祖嶺諸隘至是又于勒
崖原築神堂堡去卓望處僅三里乾順移牒請罷
役不報乾順移牒請罷役不報
冬十月使賀天寧節至殿對燕軍燕軍留與講
中國盡收西蕃地徽宗下詔曲赦熙河蘭湟秦鳳
沿承興軍路兵民歡悅使人由熙河入一路迎者咸
加禮

西夏書事

卷三十一

十一

大觀三年

遼乾統九年

夏貞觀九年春二月遣焦彥堅至

涇原定疆界不果焦彥堅至涇原

自紹聖後西邊疆議不定乾順屢以爲言時遣彥

堅入涇原請畫界至知懷德軍种師道留與議彥

堅必欲得故地師道曰如言故地當以漢唐爲正

則君家疆土益蹙矣彥堅無以對師道

夏四月遣使如遼遼使

使人焦彥堅歸乾順與羣臣謀曰身膺宗社之重

不能復先朝故土恥也然宋恃兵威非仗北朝之

力勢且不能因人告于遼請遣信使諭宋

冬十月遣使入貢

使人與闕婆占城使同入見

辛夏六月獻方物

大觀四年

遼乾統十年

夏貞觀十年春正月入貢方物

乾順請遼諭宋遼主不許復使入獻方物冀得要

請押伴左司員外郎范坦應對有節使不敢爭

三月遣使貢于遼

仍以李造福充供奉使造福于是五使遼矣

秋九月瓜沙肅三州飢

西夏書事

卷三十二

七

瓜沙諸州素鮮耕稼專以畜牧為生自三月不雨

至于是月水草乏絕赤地數百里牛羊無所食蕃

民流亡者甚眾監軍司以聞乾順命發靈夏諸州

粟賑之

冬十月太白晝見

羣臣咸謂主兵喪請修省不報

政和元年

遼大慶元年

夏貞觀十一年夏六月遣使貢于

遼

遼主清暑散水原將出獵使人見于行在命從行

秋八月夏州大水言將失陷史大夫裴英與李德裕
夏大風兩河水暴漲漢源渠盜陷長隄入城壞軍營
五所倉庫民舍千餘區之甚而惟恃西北一區與

冬十二月遣使入貢籍隸戶賦蕃稅一等工文學書

賁夏國入貢正旦聖節居多元豐末神宗詔夏使見
迎辭儀永依嘉祐八年爲例至是中國重立儀制使

人遂遵新儀廷見宋史禮志政和新儀夏使見日
俟見班絕謝班前使奉表函引

入殿庭副使同入西向立舍人揖躬舍人當殿躬
奏夏國進奉使姓名以下祗候見引當殿前跪進
表函舍人受之副入內侍省官進呈使者起歸位
四拜起居舍人宣有敕賜某物兼賜酒饌跪授箱

西夏書事 卷三十二 十一

過俛伏興再拜舍人曰各祗候揖西出次從人入
不奏卽引當殿四拜起居舍人宣賜分物兼賜酒
食跪授箱過俛伏興再拜舍人曰各祗候揖西出
辭日引使副入殿庭西向立舍人揖躬舍人當殿
躬奏夏國進奉使姓名以下祗候辭引宋史禮志
當殿四拜宣賜某物酒饌再拜如見儀夏使見日

政和二年遼大慶二年夏貞觀十三年春二月命選人以

資格進太真重且聖猶風冬元豐末輒宗請夏使見

凡宗族世家議功議親俱加蕃漢一等工文學者

尤以不次擢合于繪風十一年夏六月遣使貢玉

夏六月朔白虹貫日萬感乘益亂是朝入賊與軍

祚乾願命諸臣直言得失御史大夫謀寧克任疏言

治法之要不外兵刑富國之方無非食貨國家自
青白兩鹽不通互市膏腴諸壤寢就式微兵行無
百日之糧倉儲無三年之蓄而惟恃西北一區與
契丹交易有無豈所以裕國計乎自用兵延慶以
來黠集則害農時爭鬪則傷民力星辰示異水旱
告災山界數州非侵卽削近邊列堡有戰無耕于
是滿目瘡痍日呼庚癸豈所以安民命乎且吾朝
立國西陲射獵爲務今國中養賢重學兵政日弛
昔人云虛美薰心秦亂之萌又云浮名妨要晉衰

西夏書事

卷三十二

三

之兆臣願主上旣隆文治尤修武備毋徒慕好士
之虛名而忘禦邊之實務也乾順善之不能用

按夏自貞觀以後貴受以剝之象也宋以閭宦

主兵猶能制之若後無金人之禍得如中興諸
將宣力西陲夏國之亡不待智者決矣克任之
言殆有見于此歟

冬十月使賀天寧節

昔而並制西北一國與

宋制蕃使同日見辭先夏國次高麗次交趾次海

外諸蠻所以優夏也時新置知密省引進四方館

東西上閣門事等官使者朝辭蔡京等故作矜嚴

以示降抑使回乾順不說

政和三年

遼大慶三年

夏貞觀十三年春三月遣使入貢

中國以天賜元圭冊告永裕永泰二陵大享羣臣

夏使至燕賚過優以誇其盛

夏六月使貢于遼

夏二十二年春與遼通好

遼主好遊獵夏使入國遼主尙在混同江不得見

旣聞清暑南崖仍朝于行在

冬十月降羌李訛哆誘襲定遠軍統軍梁哆陵出兵

西夏書事

卷三十二

十四

應之

元符中西蕃首領李訛哆內降授環州定遠蕃族

大首領子遇昌爲環慶守將訛哆陰害粟數十萬

遺書哆陵曰我居漢二十年每見春廩旣虛秋庾

未積糧草轉輸例給空券方春未秋土有飢色若

捲甲而趨徑擣定遠唾手可取定遠旣得則旁十

餘城不攻自下我積穀累年掘地藏之所在皆是

大兵之來斗糧無資可坐而飽也陝西轉運使任

諒廉知其謀募人盡發膏粟分輸定邊諸城堡及

哆陵圍定遠失所藏而還越七日訛哆以所部萬餘騎歸夏

十二月寇觀化堡不克

自來夏國大舉未嘗過二十日是時乾順用李訛哆爲將以數萬衆入定邊軍圍觀化堡力攻二十五日不克乃退

政和四年

遼大慶四年

夏雍寧元年春三月築藏底河城

保安軍之北界上有湫流曰藏底河乾順遣兵據山築城爲進取計徽宗命宦官童貫爲陝西河東

西夏書事

卷三十二

五

河西經畧使討之

夏五月進兵據天都砦拒鄜延將劉延慶兵于藏底河卻之

天都自元符中爲中國所取築砦其上乾順旣城藏底遣衆復之延慶率兵攻圍城守嚴不能破裨將韓世忠夜登城斬二級割護城墮以還夏兵從佛口嶺赴援世忠力戰過藏底河夏兵追及之世忠不勝而退

冬十月城洪夏軍爲知西安州种師道所破

乾順遣兵深入過定邊軍築城佛口谷名洪夏軍童貫使种師道率兵攻之城四旁絕少水源軍士渴甚師道指西山麓曰是當有水命王鑿之果得城上人驚以爲神軍中氣沮遂爲所破

政和五年

遼大慶五年

夏雍寧二年春正月卻秦鳳兵于

清水河復與熙河兵戰古骨龍敗績

清水河北界與卓囉監軍地相對童貫謀取之遣熙河經畧使劉法將步騎十五萬出湟州秦鳳經畧使劉仲武將兵五萬出會州貫以中軍駐蘭州

西夏書事

卷三十二

七

爲兩路聲援仲武由麻累山西至清水河夏兵拒之不得進築城置守還劉法直抵古骨龍夏右廂兵數萬迎戰大敗被殺三千餘人夏四月復以兵爭葦葦城不克

乾順每于中國進築之始必遣兵力爭至于三四不能得方已時种師道督諸道兵城葦葦平初賦土夏兵大至壁葫蘆河以待師道陣于河澗若將決戰者陰遣偏將曲充由間道出橫嶺揚言援軍至夏兵方駭顧折可世潛軍軍其後姚平仲復以

精甲擊其前夏兵大潰

秋八月敗涇原等四路官兵于藏底河城

童貫令劉仲武王厚合涇原鄜延環慶秦鳳之兵
攻藏底河城乾順遣兵擊之官軍大敗死者十四
五秦鳳第三將軍萬人皆沒

九月至蕭關大掠

乾順乘藏底河城之勝縱兵突入蕭關掠蕃漢人
畜無數至葫蘆河不得渡而返

冬十月遣使入貢

西夏書事

卷三十二

七

乾順遣使言熙河涇原諸路用兵不已請詔止之
蔡京等不許

西夏書事卷三十二終

